

Uunga siunnersuut:**Unnuinermi akitsuut pillugu Inatsisartut inatsisaat***Akitsuut*

§ 1. Inini, ineqqani, inissiani, illuni, containerini najugaqarfinni, illuaqqani, tuperni akissarsissutigalugu unnuinermi akitsuummik akiliisoqassaaq.

Imm. 2. Inuk nunatsinni najugaqanngitsoq, ataasiugaangat akitsuut 30 koruuniussaaq.

Imm. 3. Imm. 1-imni unnuinermik taaneqartumik akiliisitsilluni neqerooruteqartoq, inatsit una naapertorlugu akitsuummik akiliisussaatitaavoq.

Imm. 4. Inuit nunatsinni najugallit, akitsuummik akiliisussaatitaasup apeqquteqarneratigut uppernarsaammik pisariaqartumik takutitsinissamut pisussaatitaapput.

§ 2. Akitsuummik akiliisussap akiliutissamik akiliisitsinerup ilutigisaanik, akitsuut akileqquneqassaaq.

Ilaatinneqanngitsut

§ 3. § 1 tulliuttuni atuutissanngilaq:

- 1) Akitsuummik akiliisussap piffissamut akitsuusiiffiusumut tamakkiisumik akitsuummik akiliutaa 600 koruuninit ikinnerusimappata.
 - 2) Inummut suliffeqarfimmulluunniit ataasiinnarmut attartortitsinermi, attartorneq unnunniq 21-nik tulleriinnik sivisunerusimappat.
 - 3) Angallassisup silap ajornera, teknikikkut unammilligassaqarneq assigisaannilluunniit patsiseqartumik inuk illusisippagu, angallassisullu unnuinermut aningaasartuut akilerpagu.
- Imm.* 2. Imm. 1, nr. 2-mi ilaatisinnginneq suliffeqarfinnut attartortitsinermi atuutinngilaq matumani angalatitsiviit, angalanernik aaqqissuisartut il.il. attartortitseqqiisartut imaluunniit inunnut unnuiffissanik arlaatigut paassisutisseeqqittartut ilanngulligit, matumani inuk imaluunniit inuit inimik il.il. atuisut unnunniq 21-nik tulleriinnik sivisunerusumik unnuisimanngippata.

Aqutsineq

§ 4. Piffissaq akitsuusiiffik tassaavoq qaammatit pingasukkaat.

Imm. 2. Piffissaq akitsuusiiffiup kingorna qaammatip tulliuttup ulluisa aallaqqaataanni akitsuut akilerneqassaaq, qaammatip akiliiffissaq qaangiuttup kingorna qaammatip ulluisa aallaqqaataat eqqortlugu kingusinnerpaamik akiliuteqartoqassalluni. Ulloq akiliiffissaq eqqortoq arfininngorneruppat, sapaataappat nalliuutuuppal-luunniit piffissarititaasoq ulluinnarmut tullermut sivitsorneqassaaq.

Imm. 3. Akileraartarnermut ingerlatsivimmut akiliuteqartoqassaaq.

§ 5. Akitsummik akiliisussaatitaasut piffissap akitsuusiiffiusup qaangiunnerata kingorna aamma kingusinnerpaamik qaammatip tulliuttup ulluisa qilinganni paassisutissat nassiutissavai, taakku akileraartarnermut ingerlatsiviup innersuussinera malillugu akileraartarnermut ingerlatsivimmut akitsummik akiliisussaatitaasup kinaassusersinissaanut, qaammammi ataatsimi unnuinerit amerlassusiinut, inuit qassiunerinut akitsuutillu annertussusianik paasiniaanermut atorneqassapput. Paassisutissanik nassiussinissamut piffissaliussaq kingulleq arfininngorneruppat, sapaataappat nalliuuttuuppal-luunniit piffissaliussaq ulluinnarmut tulliuttumut sivitsorneqassaaq.

Imm. 2. Nassiussinermi immersugassat akileraartarnermut ingerlatsiviup suliarinikuusai, matumani digitalisut ilusillit ilanngullugit, atorneqassapput.

Imm. 3. Akileraartarnermut Aqutsiveqarfik naatsorsueqqissaarnissamik siunertamut atugassanik paassisutissanik amerlanerusunik pissarsiniarsinnaavoq, matumani ilaatigut akitsummik akiliisussap piginnaassusia aamma unnuisut nuna najugaat.

§ 6. Neqerooruteqartartumut piffissaq eqqorlugu akiliisimanngitsumut Akileraartarnermut ingerlatsivik peqqusisinnaavoq, qaammatinit pingasunit sivikinnerusumik nalunaarsuinermik tunniusseqqullugu. Taamatut pisoqartillugu aningaasat § 3, imm. 1, nr. 1-imi taanneqartut piffissamut sivikillisamut naapertuutumik apparinnejartassapput.

Imm. 2. Taamatuttaaq neqerooruteqartumut piffissaq eqqorlugu akiliinngitsumut Akileraartarnermut ingerlatsivik peqqusisinnaavoq, akiliinissamut piffissaliussaminngarnit § 4, imm. 2-mi taaneqartuminngarnit akiliinissamut piffissaliussaq sivikinnerussasoq.

§ 7. Akitsummik akiliisussaq paassisutissanik eqqunngitsunik nassiussisimasoq taamaalillunilu akitsummut ikippallaanik akiliisimasoq paasineqassagaluarpat, aningaasat akiitsukkat kingusinnerpaamik ullut 14-it qaangiunneranni akilerneqassasut piumasaqaatigineqassapput, akiligassanik kingusinaartumik akiliinermi ernialiussaasinnaasut ilanngullugit.

Imm. 2. Akitsummik akiliisussaq akitsummut amerlavallaartunik akiliisimasoq paasineqarpat, aningaasat 300 koruunimik amerlanerusimappata utertillugit tunniunnejassapput.

Akitsummik kommunit atuinerat

§ 8. Akitsummut akiliutigineqartut kommunini ataasiakkaani unnuinernik nalunaarsorneqartut amerlassusaannut sanilliullugit kommunit akornanni agguanneqartassapput.

Imm. 2. Unnuinertut nalunaarsorneqartut amerlassusaat ukumi ulloq 31. december akileraartarnermut ingerlatsivimmit naatsorsorneqartassapput.

Imm. 3. Akileraartarnermut ingerlatsiviup ukiup siuliini akitsuutit ukiup tulliuttup naanissaa sioqqullugu kommuninut akilertassavai. Aaqqissuussinermik allaffissornikkut aqtsinermut aningaasartuutinut matussutitut, ukiumut akiliutit katillugit 300.000 kr-nik appatinneqartassapput.

Imm. 4. Najukkami nunallu immikkoortuani takornariaqarnerup inerisarneranut unnuinermut akitsuummit isertitat kommunit taamaallaat atortassavaat, matumani sumiiffimmi takornariat amerleriarneranni kingunerisinnaasat pitsaanngitsut millisinnissaat ilanngullugu.

Imm. 5. Akitsuummit isertitat aamma aningaasartuutit akitsuummut matussusiisut, kommunip naatsorsuutaani allassimassapput.

Allaffissornikkut najoqqutassiat

§ 9. Naalakkersuisut inatsimmik uannga ingerlatsinissaq pillugu erseqqinnerusunik maleruagassiorsinnaapput, matumani akitsuummik akiliisussap paasissutissanik nalunaaruteqarnissa ilanngullugu.

Imm. 2. Naalakkersuisut uppernarsaatit, taakku nuutinnerinik akitsuummik akiliisussap toqqortarinninnissamut pisussaaffii aamma akitsuummik akiliisussamut illuutinik attartortitsisoq pillugu paasissutissiussaatitaanera pillugit maleruagassanik aalajangersaasinnaapput.

Imm. 3. Naalakkersuisut akitsuummik akilersinneqarnikuusumit isertitanit kommunit atuisarnerat aamma naatsorsuutinik tunniussisussaaneq pillugu maleruagassanik aalajangersaasinnaapput, § 8, imm. 4-5 naapertorlugit.

Pineqaatissiissutit

§ 10. Inuk akiligassiissummik pineqaatissinneqassaaq, piaaraluni imaluunniit sakkortuumik mianersuaalliorluni:

- 1) paasissutissanik eqqunngitsunik imaluunniit salluliutinik tunniussisoq imaluunniit akitsuutinik naatsorsuinermut tassangalu nakkutilliinermut atugassanik paasissutissanik nipangiusseqqasoq, § 5, imm. 1 imaluunniit
- 2) akileraartarnermut ingerlatsivimmut akitsuutit aningaasartaannik taggissanik ikinaarilluni nalunaarutiginninngitsoortoq, missiliuussinikkut akitsuutit annertussusaannik taggissanik nalunaarfingineqareerneremi kingorna kingusinnerpaamik sapaatit akunneri 4-t qaangiutsinnagit.

Imm. 2 Maleruagassiani, inatsisit una naapertorlugu saqqummiunneqartuni, inummut maleruagassiani aalajangersakkanik piaaraluni imaluunniit mianersuaalliorluni unioqqutitsisumut akiliisitsinissaq aalajangersarneqarsinnaavoq.

Imm. 3. Ingerlatseqatigiiffiit il.il. (inatsisitigut pisinnaatitaasoq pisussaatitaasorlu) Kalaallit Nunaanni pinerluttulerinermut inatsimmi kapitali 5-imi malittarisassat malillugit pinerluttulerinikkut akisussaatinneqarsinnaapput.

§ 11. Naalakkersuisut naalakkersuisulluunniit pisinnaatitaasoq, Inatsisartut inatsisaanni matumani aalajangersakkanik unioqqutitsisoq nalunaarfingisinnavaat, suliaq eqartuussivikkoortumik malersuinertaqanngitsumik aalajangiiffingineqarsinnaasoq, pineqartoq unioqqutitsinermi pisuusutut nassuerpat aamma piffissaliussap erseqqinnerusumik nalunaarneqartup qinnuteqarnikkut sivitsorneqarsinnaasup nallinnginnerani nalunaarpat, akiligassiisummik taaneqartumik nassuerutigineqartumik akiliuumappat.

Imm. 2. Nassuernermut imm. 1-imi taaneqartumut tunngatillugu, Kalaallit Nunaanni eqartuussisarnermut inatsimmi kapitali 38-mi maleruagassat, unnerluussutip imarisaaniittut taamaaqataanik atuutissapput.

Imm. 3. Akitsuut piffissaq eqqorlugu akilerneqassaaq, imaluunniit akuersissuteqarnerup kingorna akilersinneqarsimappat, malersueqqinnissaq atorunnaassaaq.

§ 12. § 10 imaluunniit § 11 malillugu akiligassiisutigineqartut Nunatta Karsianut nakkartinneqartassapput.

Atuutilersitsineq

§ 13. Inatsisartut inatsisaat ulloq 1. januar 2026-mi atuutilerpoq aamma ulloq taanna aallarnerfigalugu unnuinernut pissalluni.

Namminersorlutik Oqartussat, ulloq xx. xxx 2024

Naalakkersuisut Siulittaasuut